

IBhayibheli LaBantwana
Likulethela

Ukuzalwa
kukaJesu



Ibhalwe ngu: Edward Hughes

Kwabonakala ngu: M. Maillot; Alastair Paterson

Ifanekiswe ngu: E. Frischbutter; Sarah S.

Itolikwe ngu: Goodwill Sithembiso Gwala


Ikhqizwe ngu: Bible for Children
www.M1914.org

©2020 Bible for Children, Inc.

iLayisensi: Abantu bangazithathela noma bephrinte
izinto kulendaba egunyazwe ngokomthetho kodwa
akumele bazidayise.



Kudala, uNkulunkulu
wathumela ingelosi
uGabriyela, wamu-
thumela kwintokazi
yeJuda ekuthiwa
uMariya.



Wathi kuye, "Uzathola
indodana igama lakhe
makube uJesu.



Uzobizwa ngokuthi
indodana yoPhezukonke.
Uzakuphila kuze kube
ingunaphakade."



"Kwenzeka kanjani
lokhu?" kubuza
intokazi imangele.

"Angikaze
ngazane
nomuntu
wesilisa."



Ingelosi yatshela
uMariya ukuthi
ingane izoqhamuka
kuNkulunkulu.

Ingane ngeke
ibe nobaba
womhlaba.



Ingelosi yase itshela
uMariya ukuthi
umzala wakhe
u-Elizabethhe
naye
wayezothola
umntwana
esemdala.



Lokhu kwakuyisimanga
futhi. Emva
kwalokho,
uMariya
wavakashela
u-Elizabeth.
Bamudumisa
bobabili
uNkulunkulu.



UMariya
wayemiselwe
ukushada indoda
ekuthiwa
uJosefa.
UJosefa
wadumala
ngenkathi esazi
ukuthi uMariya
ukhulelwe.



Wayecabanga
ukuthi ukhuleliswe
enye indoda.



Ingelosi yeNkosi yabonakala
kuJosefa ngephupho
yamutshela ukuthi
indodana kwaku
eya-Nkulunkulu.



UJosefa kwakumele
alekelele uMariya
ukuba anakekele
uJesu.



UJosefa wayemuthemba
futhi emusaba
uNkulunkulu.



Wayewuthobela
nomthetho
womhlaba.



Ngenxa yomuthetho omusha,
uJosefa noMariya
bahamba
baya



eBetlehema beyokhokha intela.



UMariya
wayesekulungele
ukubeletha.



Kodwa uJosefa
akazange
akwazi
ukuthola
ikamelo.



Zonke izindawo
eziqashisa
amakamelo
zazigcwele.



Emva kwesikhathi uJosefa wathola
isitebela. Lapho, uJesu
wazalelwa
khona.



UMa Wakhe Wamubeka emkhombeni,
okuyindawo
okuphakelwa kuyo
imfuyo.



Eduze nje, Abelusi babegade
imfuyo ngenkathi ilele.



Ingelosi yeNkosi yaziveza kubona
yabatshela izindaba
ezinhle.



"Nizalelwe namuhla uMsindisi
onguKrestu iNkosi
emzini
kaDavide.



Niyomuthola umntwana embesiwe,
elele emkhombeni."



Masinyane kwaba khona
kanye nengelosi ezinye
izingelosi,



zidumisa
uNkulunkulu
zithi:



“Udumo kuNkulunkulu
kweliphezulu, nokuthula
emhlabeni



kubantu
abathokozile
nguye.”



Abelusi baphuthuma
esitebeleni.



Emva kokubona uMntwana baxoxela
wonke umuntu abahlangana naye
ngokuthi itheni ingelosi ngoJesu.





Emva
kwezinsuku
eziyamashumi
amane,
uJosepha
kanye
noMariya
baletha uJesu
ethempeli lase
Jerusalema.





Kwaku khona indoda
ekuthiwa uSimeyoni
eyathandaza
yabonga
uNkulunkulu
ngomntwana,
ngalesosikhathi
no-Ana, inceku
yeNkosi,
yababusisa.





Bebazi ukuthi
uJesu indodana
kaNkulunkulu,
uMsindisi.

Ujosefa
wanikela
ngezinyoni
ezimbili
njengosiko
lomthetho.



Ngokudlula
kwesikhathi,
Kwafika
izazi

eJerusalema
zivela eMpumalanga
ziholwa inkanyezi.



“Uphi lowo
ozelwe
eyinkosi

yamaJuda na?”
kubuza izazi. “Sifuna
ukuzokhuleka kuya.”



UHerode inkosi,
esezwile ngezazi,
wakhathazeka.
Wabuza kubo
ukuthi uJesu
uzakuzalelwaphi.



“Ngitsheleni
ukuze nami
ngizokukhuleka
kuye,” Kusho
uHerode eqamba
amanga.



uHerode
wayefuna
ukumbulala
uJesu.




Inkanyezi
yahamba nezazi
yaze yafika yama
phezu kwalapho
umntwana
ekhona.




Zawa phansi, zakhuleka
kuye, zavula amagugu
azo, zamkhunga
ngezipho: igolide
namakha
nenhlaka.





UNkulunkulu wayala
izazi ngephupho
ukuba zibuyele
ezweni lakubo
ngenye indlela.




Uherode
wathukuthela
kakhulu.



UHerode
wayezimisele
ngokubulala
uJesu, ...



... wathumela
ibutho lakhe
ukuba libulale bonke
abantwana besilisa
baseBetlehema.



Kodwa uHerode
wayengeke akwazi
ukulimaza
iNdodana
yaNkulunkulu!



Ingelosi yaxhwayisa
uJosefa
ukuba athathe
umntwana nonina
beye ezweni
laseGibithe.



Bahlala
eGibithe
waze wafa



uHerode,
bese uJosefa wabuya
noMariya kanye noJesu eGibithe.



Bahlala
edolobheni
elincane



ekuthiwa
iseNazaretha, eduza
kwase lwandle laseGalile.



Ukuzalwa kukaJesu

Indaba evela kwiZwi laNkulunkulu,
iBhayibheli,

Itholakala

Mathewu 1-2, Luka 1-2

"Ukwambulwa kwaMazwi Akho
kuyakhanyisa." AmaHubo 119:130



Yaphela



Lendaba yeBhayibheli isitshela
ngoNkulunkulu wethu uyisimanga owasidala
futhi ofuna ukuthi wena wazane Naye.

UNkulunkulu uyazi ukuthi senze izinto ezimbi,
Azibiza ngesono. Isigwebo sesono ukufa,
ngokuba uNkulunkulu walithanda izwe kangaka,
waze wanikela ngeNdodana Yakhe ezelwe yodwa
ukuba izosifela esiphambanweni igwetshelwe
izono zethu. UJesu wase evuka ekufeni
wanyukela ezulwini ekhaya lakhe! Uma
ukholwelwa kuJesu futhi uma Umcela ukuthi
akuthethelele izono zakho, Uzokwenza lokho!
Uzoza ezophile ngaphakathi kwakho manje, futhi
uzophila Naye kuze kube ingunaphakade.



Uma ukholwa ukuthi
iqiniso leli, ithi kuNkulunkulu:
Nkosi Jesu, Ngiyakholwa ukuthi wena
unguNkulunkulu, futhi wehla ezulwini waba
inyama ukuze ufele izono zami, wavuka ekufeni
usuyaphila futhi. Ngicela ungene empilweni
yami ungithethelele izono zami, ukuze
ngizokwazi ukuba nempilo entsha, ukuze
ngiyokwazi ukuba Nawe kuze kube phakade.
Ngisize ukuba ngilalele Wena futhi ngiphilele
Wena njengomntwana Wakho. Ameni.

Funda iBhayibheli futhi khuluma noNkulunkulu
nsuku zonke! Johane 3:16

